



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Пренумерата в краю:

30 грошей місячно,
80 „ квартално,
1.50 „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошеня малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знизка.

Контото чекове Нр. 404.155.

Уж в перших днях листопада появит ся великий, богато иллюстрований

КАЛЕНДАР ЛЕМКА НА РОК 1938

БУДЕ ТАКЖЕ ВЫДАНЫЙ КАЛЕНДАР СТІННЫЙ.

Наклад ограниченный. В виду того всі, котры хотят достати календар, нехай чимскорше замовляють его в администрации „Лемка“ в Крыниці.

Ціна одного примірника **50 грошей.**

При замовленях в цілях кольпортажа и дальшой розпродажи **20% опушту.**

Значенє и організація

господарчих курсов.

Час не стоить. Он уходит незамітно и ани ся человек не спостереже, а уж минул рок... два... десят... С часом иде вперед житє, розвиват ся техника, повстають новы фабрыкы, змінят ся форма державной господаркы, а с ньом и люде мусят привыкати до новых способов заробкованя, бо вьсо, што уважано перед 10 або 20 літами за добре, стає ся тепер безужиточне.

Штобы в тих выбіжках труда село не отставало от других, уряджат ся в послідних роках цілий ряд господарчих курсов по селах, котрыма чим раз больше интересує ся сельска молодеж. Курсы тоты тішат ся великыма успіхами серед организаций и соціально-господарчих товариств, дійствующих на терені села.

Єст то річ зрозуміла. На курсах широка маса газдын и молодежи познакомляють ся с новыма способами работы, учат ся господарити одночасно теорытычно и практично, а конкурсы и показы сут якобы переглядом набытого на курсах знаня. При конкурсах ходит в першій мірі о поднесенє якоїсї области, або цілости господарства через взбудженє заинтересованя и благородной ривализации меже участниками.

Перед конкурсом однак мусит быти уряджений курс, котрый приготавлият молодеж до самостоятельного труда в даной области. Без попередного курсу конкурсы не могут дати добрых результатов, бо участники курсу не знали бы, як взяти ся за работу, штобы осягнути найпростійшим способом добры результаты.

Курсы знов можна провадити все, они сут независимы от конкурсов. Курсы ділиме на: коротко и долго-термны, парудневны курсы мають найч. ш. на ціли заинтере-

совати населенє якоїсї областью господарства и показати найпростійши способы выконаня работы.

Курсы долги, паротыждневы, або и паромісячны познакомляють нас ґрунтовнійше с даном галузьом работы. До таких курсов належат: курсы вареня и домашнього господарства, готелярства, шитя и крою, ткацтва, выправы скор, кошкарства, выробу килимов, пасічництва, зелярскы, трыкотарства, фарбарства и много инших. Курсы тоты заступають в многих случаях недоступны школы фаховы.

Сут случаи, же по уміло и долший час веденом курсі розвивал ся пак домашній промысл в даной галузи и населенє находило не злый убочный заробок. Приміров таких можна бы было напровадити много, бо такы курсы приготавлиют уж свого рода ремесельников и мають на ціли найти для населеня роботу и заробок в том часі, коли ніт работы в поли и на господарстві.

Прото тыж курсы такы сут достосованы точно до місцевых условий. Там, где сіють много лєну, уряджат ся курсы ткацкы, где сут овцы — курсы выправы и фарбованя скор, где приїзджают літники — курсы вареня и готелярскы и т. д.

Але и курсы короткы, на котрых молодеж познакомляють ся с якоїсї галузью сельского господарства, як нпр. курс вареня, переділки овочей, годовлі кур, чи свиней и т. д., мають велике значенє для каждой сельской газдынї. Каждая работа добре ведена и каждое нове в той работі знанє, мусит дати добры результаты, як лем саму работу добре сорганізуєме. Добра організація каждой работы дійствує так, як добре наоливленє машины; всі трыбы, кола и колечка повинны так ся зазубяти и так соділати,

штобы не было там ниякого скрежету, ани недопасованя.

Каждый курс, если має дати добры результаты, мусит быти не лем уміло переведеный, але также и добре приготовленый.

Часто однак так быват, же инструктор, чи инструкторка приїзджат до села и мусит тратити час на жданє, коли ся всі участники курсу посполодят. Коли уж сышли ся вышиткы, показує ся, же не можна распочати ниякой работы, бо ніт потребных до веденя курсу зрядов и предметов. И так тратит ся нераз $\frac{1}{2}$, а часом и цілий день и маме втотчас курс коротший.

Задачом инструкторов (рок) єст подносити уровень просвіты и практичного знаня на селі через личный вплив, бесіды, отчиты або впровадженє культурных забав в тверде, монотонне житє сельского населеня. Але в работі той, дост тяжкой, могут помагати и самы участники курсу. Помоч тотя проявляла бы ся передовсем в умілом поділі работы на курсі и вызначеню людей отвітственных за дану галузь работы; таким способом сорганізованный курс даст добры результаты, бо не буде на нем звад, каждый участник має свою вызначену роботу, котра иде тихо и добре.

Важне єст само законченє курсу. Звычайно быват так, же на законченю курсу высказує ся дві — три промовы, деклямує ся якыйсь вершик, заспіват „многая літа“ инструкторам и курсистам и всі росходят ся довольны. Курсисты забывають скоро вьсо, чого научили ся на курсі и житє иде по давному.

Прото тыж законченя курсу треба уряджати иначе и практично. Хотят собі заспівати „многая и благая“, най співають, але кромі того, курсисты повинны усталити на законченю курсу програму работы на найблизший час так, штобы можна было выкористати набыты на курсі відомости в штоденном житю, бо лем втотчас мы их не забудеме и курс принесе селу правдиву користь.

Бюджет Державы на рок 1938-39.

Дня 29. жолтня отбыло ся под председательством премера Складковского заседание Рады Министров.

На том заседании Рада Министров приняла проект скарбового закона на р. 1938—39 разом с прелиминаром бюджетным на тот час.

Бюджетный прелиминар на р. 1938—39 замыкат ся в доходах и в выдатках сумом 2 миллиарды 447 миллионов зл. с невеликом надвыжком доходов над выдатками.

Бюджет тот отже буде третым по черзі зрноваженим бюджетом Державы.

Если поровнати его с бюджетом за рок

1937—38, то позиция Министерства Справ Войсковых ест вышша о 32 милионы зл., бюджет Мин. Просв. — о 13 мил. зл. (передовсем на ціли школьництва загальнообразуючого), бюджет Мин. Комуникации ест вышший — о 20 мил. зл. (на консервацию дорог и мостов), а бюджет Мин. Рольництва — о близкко 15 милионов злотых.

В бюджеті том ніт рубрыкы, побераной до того часу одноразовой данины маетковой от платников податку грунтового в сумі 10 милионов злотых. Данина тот ест скасована.

—ооо—

Бесідуют о спокою, а сіют незгоду.

Муссолині любит бесідовати часто о мирі и спокою. Недавно, в 15-літну рочницу маршу на Рим, выголосил Муссолині велику мову, в котрой поставил народам три условия удержания мира в Европі:

1) Зворот африканских колонии для Німеччины;

2) Зревидоване идеякх границ в Европі Середной и зміна идеякх постановлень мира, и

3) Позбыте ся с Европы комунизма и поборане Советской России.

Не треба быти философом, штобы видіти, же выполнене тых условий не мир, але войну означат. Перше условие ест звернене явно

против Англии, котра колонии, осягненны по войні через побіду над Німеччином, напевно так легко не схочет отдати, друге против Чехословакии в звязи с событиями в Судетах.

Муссолині говорил о „мирі” также и в другом дні обходу 15-літя фашизма, коли то по торжественном роздаваню военных отличий родичам павших италиянских легионистов в боях в Испании, выголосил бесіду по поводу побудованя, на осушених болотах понтийских, нового міста Априлии.

Вотчас сказал он, же италиянский народ хоче трудити ся в „спокою” и же в интересі всіх лежит, штобы тот спокой заховати.

—ооо—

Беспорядкы в колониях французских.

Але сут то лем пусты слова. Преця спокой нарушают самы италияне. Поминувши уж Испанию, где тепер идут бои под Мадрытом, в котром пануют страшны беспорядкы — заогняют они отношеня на Близком Выході и в Полночной Африці.

Подбурены через италиянских и немецких агитаторов арабы выкликали повстане в Мароку и Альгері французском, где старали ся обалити правительство, выгнати французов и утворити арабску державу полночно-африканску.

Перешкодила тому енергична акция французского правительства, котре арестовало много

Таксамо представляют ся справа в Палестині, где арабске населене, прибігаючи до найріжнороднійших средств, сіют смерть и знищене.

арабских проводыров и засудило их на высокы кары.

Испанский бунт в Москві. В таборі недалеко Москвы жило 400 хлопков, біженцов с Испании. В результаті планного кормленя и трактованя горячкоровны испанцы поднесли бунт. Советскы власти были змушены ужити силы в ціли здавленя бунту и привернення порядку. Проводыров бунту арестовано.

Противжидовскы выступления в Гданску.

Рука в руку таксамо поступат Німеччина. Гитлер также при каждой оказии представляет Німеччину, яко край миролюбивый, але мир ведля него може быти лем вотчас, як німец достане вшитко, што хоче.

В послідных днях гитлеровскы власти в Гданску выповіли безвзглядну борбу жидам. Борба обявлят ся в нищеню склепов и хат жидовских, битю жидов и знущаню ся над ними. Поступане гданских властей выказуе наглядно, же не хотят они с никым жити и стремят до выгнания оттамаль всіх неміцков.

Ніт наименьшого сомніня, што приказы до Гданска идут с Німеччины, котра в послідных часах стала ся тереном розличных событий.

Передовсем уступил там министр народной господаркы д-р Шахт, што потягне за собом ряд новых змін и заряджень, котрым Шахт противил ся. Министерство того находит ся тепер под впливами д-ра Геринга, принимаючого живу участь в приготвленю через гитлеровске правительство новых заряджень, котры маюут выкликати цілковитый переворот в політиці господарчо-финансовой и общественной Німеччины.

Маюут они в першой мірі наложити 10-процентну маеткову данину, примус работы, а также жадати звороту колонии. Справа колонии ест для Німеччины барз важна, але власне она може выкликати в Европі необчисляемы послідствия.

Посередництво Амерыкы.

Несподіванком ест также заявлене Злученых Держав Амерыкы Полночной в справі испанской. Амерыка заявила готовость посередничати в испанской войні домашной. Мысль тот походит от правительства кубанского (острова коло Амерыкы Середной, належачого до Злученых Держав), при чом мотывована ест тым, же закончене домашной войны в Испании ест потребне для успокоиня положеня в Амерыці середной и полуднеовой, где доходит раз по раз до беспорядков и револьт.

Так меже иншими было в Эквадорі (Амерыка Полудн.), где дошло до войскового переворота. По зложеню с уряду президента республики, утворено нове правительство, зложено переважно с войсковых.

о. Д. В.

Изображенія св. Архангелов в церковной иконописи.

Под Праздник св. Архстр. Михаила, поговору с Вами Любезны Друзя о св. небожителях, которых неизчислимы полки наполнили небо, еще перед сотворением видимого міра. Говорити буду о самых начальниках, вождах всѣх небесных сил или о Архангелах и о том як иконописцы (маляри) изображают их на св. иконах (образах) щобы вы разумно глядѣли на св. икону якого Архангела если ею узрите в церквѣ или в якой нибудь побожной книжцѣ намальовану.

Хотай небо ест царством любви, радости и блаженства — треба однак знати що, межи всѣми небесными силами нѣт полного равенства а ест ангелы высшіи и низшіи чины ангельскіи.

На подставѣ св. Письма различает св. Церков за св. Діонизіем Ареопацитом, девять хоров Ангелов, которы дѣлят ся на три чины: и так:

Чин I.: 1) Серафимы; 2) Херувимы; 3) Престолы.

Чин II.: 4) Господствія; 5) Силы; 6) Власты.

Чин III.: 7) Начала; 8) Архангелы; 9) Ангелы.

Правдивое и полное равенство заходит только межи трема лицами Пресв. Троицы Богом Отцем, Богом Сыном и Богом Духом святым.

Число Ангелов ест дуже великое — ест их „тьмы тем” як каже св. Письмо, но Архангелов ест только сѣмь. „Аз есмь один из седма ангелов, иже приносят молитвы святых и входят пред славу Святого” сказал Архан. Рафаил праведному Товиту.

И в Откровеніи св. Иоанн Богослов, высказует благословеніе церквам „и от седми духов, иже пред Престолом Его сут”. (Апок. 1, 4). Дячого св. Архангелов ест только 7, коли число всѣх ангельских духов ест неизчислимое —

то ест уже тайного Божого творения — а мы можем только запримѣтити, що число 7 ест так в мѣрѣ (свѣтѣ) духовом як и матеріальном особенно освященное и так имѣем 7 даров св. Духа, 7 св. Тайн — а в мѣрѣ природном 7 засадничых личей свѣтла, 7 головных тонов голоса, 7 дней творения, из чого 6 дней проминуло при сотвореніи а сѣмый день непрерывно тревает до скончания міра видимого — его содержание, ест не меншим чудом всемогущества Божого як его сотвореніе.

Кажем що Г. Бог 6 дней сотворял мір а сѣмого отпочил т. зн. перестал творити, але тое не выключает силы Всемогучого Бога, котору Он безнастанно вливает в удержаніе сотворенного Ним міра.

I. Первый межи Архангелами ест св. Архистратич Михаил. Имя тое означает „Кто, яко Бог” бо св. Михаил первый возстал против Люцифера, коли той возстал против Всевышнего. Знаем як кончила ся тая брань (борба) — низверженіем Люцифера в пекольную бездну.

И св. Михаил стает всегда в оборонѣ своего Творца, як и в оборонѣ св. церкви и ей дѣ-

Утворенє державы монгольской.

Не меньше знаменным фактом ест заключеный немецко-италианско-японский пакт (договор), котрый собовязує Италию и Німеччину до помочи Японии, котра боре ся „с комунизмом“ в Кытаю. (Там не иде о землі и о богатства, як бы ся на око выдавало, а лем о того, штобы „знищити комунизм“).

Япония на разі относит побіды. С занятых через себе двох провинций полных Северянь и Чагар утворила Япония „независиму“ державу монгольску под властью монгольского князя Юн, котрый має слухати приказов с Токио. Через утворенє той монгольской державы Япония отділила Монголию Вншню (Совітску) от Кытая, што має огромне значенє для дальших событь в Кытаю со взгляду на перерване полученє меже Кытаем и Совітами, котры достарчали до Кытая оружие и самолеты.

Страшны бои под Шанхаем приносят Японии новы побіды и, прото може, Япония не приняла участи в нарадах 9-ох держав в Бруксели (Бельгия), котры скликано в цілях ликвидации войны японско-кытайской.

Участи в той конференции не приняли также: Италия и Німеччина. Япония волит сама бесідовати с Кытаем на тему заключения мира. Она жадає от Кытая: признания независимости Монголии Внутренней, признания пятом кытайским провинциям полным права высказати ся и рішити о их державном порядке, отступленя Японии территории, занятой через ей войска под Шанхаем, выступленя с Лиги Народов и скасованя военных самолетов.

При таких условиях, зрозуміла річ, не може быти бесіды о заключеню мира.

—ооо—

Што на то другы державы.

Совіты помагают на разі по тыхы Кытаєви. Сами однак мають дуже клопотов у себе так с выборами, котры дуже коштуєт, як и с шпирячим ся рухом „противреволюційным“, жертвом котрого пал недавно секретар Сталина **Жданов**.

В звязи с убийством Жданова арестовано в Совітах знов сотки людей, котрых судьба ест уж рішена. Совіты числят ся также с новым договором Италии, Німеччины и Японии и тому не выступают оружно против Японии.

Помимо того Совіты утрудняют положенє Италии и Німеччины, где лем могут. Замічат ся того особенно в т. зв. „Комитеті о Неинтервенции“, где тягом катулькат ся справу выцофана „охотников“ с Испанией и тягом нич с того. Як было на початку так и тепер, много бесіды, крику, громкы слова, а як до чого приходит — тишина.

Франции, котра найбарже хотіла бы закончити тоту справу, не тилько иде о Испанию, килько о острова Балеары, бо на одном с тых островов Минорці, котра до тепер находила ся во владію правительства валенцкого, приземляли ся французскы самолеты, котры удерживали комуникацию меже Парыжом и французскыма колониями в Африці.

Тепер Минорка ест zagrożена через силы

морскы повстанчи и того пече Францию. Прото тыж Франция, кромі конференции, громадит коло Миноркы свою флоту, котру атакуют раз по раз итальянскы самолеты.

Гитлеровцы порвали поляка с Гданска.

Круги польскы в Гданску сут порушены новым случаем порваня польского гражданина, Михала Грудновского, жиющего в Гданску и перевезеня его на терен Німеччины.

М. Грудновский загинул в Гданску перед пару тыжднями и наконец по многочисленных интервенциях полицийных властей, гданскы власти повідомили, же Грудновский был арестованный за опор властям и публичный гвалт. Однак гданска полиция не потрафила довідати ся, где находит ся Грудновский.

Аж тепер жена Грудновского достала от мужа лист, высланный тайно с немецкой вязницы, в котром Грудновский доносит, же **порвано его в білый день** с перед будынку полиции в Гданску и перевезено до Німеччины до Ельблонга, где бито го нелюдским способом и зломлено му два ребра.

Катованем змушено Грудновского до подписаня документу, стверджаючого, што он переступил нелегально немецку границу, за што засуждено его на 2 рокы вязницы.

крѣпляя Его” — был то по гадцѣ св. Отцев учителей, Арх. Гавриил.

И Прев. Богородицы вѣсть о ей Успеніи, принес тойже Архангел. Длятого то Церков св. называет его „служитель чудесе“. Св. Арх. Гавриила малюют с райскою галузкою, которую принес Прев. Богоматери, приходячи до Ней с благовѣстю о зачатіи в ей Лонѣ Божого Сына.

Також представляют его с свѣтильником (сосудом) в котром горит свѣща — в одной рудѣ — а в другой с зеркалом. Символичне значенє ест такое: що судьбы Божіи сут всегда закрытїи до времени (часу) а потом доходят до познания только тых людей, котры смотрят в зеркало Божого Слова и своей совѣсти.

III. Третий Архангел называет ся Рафаил, що означает помощь и исцѣленіе. В св. Письмѣ ест цѣла книга, „Книга Товита“ в котрой розказует ся, як той Архангел, в выдѣ человека, провадил праведного Товію, освободил его невѣсту от злого духа, вернул взор его старенькому отцу.

Длятого Архангела того изображают, як одною рукою ведет Товію а в другой рудѣ дер-

Сын Муссолиниого в неволі.

Англицкы газеты толкуют собі в невычайно сенсацийный способ заобсервоване от пару дней выцофыване итальянских войск с Испанией.

Ведля тых поголосок Бруно Муссолини, котрый от вересня служил яко охотник при повстанчой авиации, в часі одного налета был примушенный приземлится на территории, належающей до правительства валенцкого и взятый до неволі.

По задержаню так цінного закладника, валенцке правительство скомуниковоало ся с Муссолиним и закомуниковоало ему, што если итальянскы охотники не выцофают ся с повстанчих войск, то сын его буде отданный под военный суд и розстріляный, яко виноватый убийства бомбами парудесятох безборонных испанцев. Муссолини почал пертрактовати в той справі и переговоры мали дати пожаданный результат.

Муссолини политык поддал ся Муссолининому - отцу. До повстанчих портов приплыли итальянскы кораблі, котры отвозят итальянских охотников до Италии и Трыполитании. Дотепер мали выцофати дві дивизии піхоты. В Испанией остали лем войска техничны, чолгы, артиллерия и летчики.

Инша версия подає, же молодой Муссолини уж не живе, або тыж, же ест раненый.

Так, чи иначе, Муссолини на собі переконуює ся, же не можна для власных амбиции пхати молодых людей на різь, бо они хотят и мають право жити.

Великы страты в людях и маєтку спричинила злива. Долготырвалы зливы спричинили в Сьрии (Азия) вылив рік. Вода заляла на полноч от Дамашку и в окрестности Калямун величезны пространства, выряджаючи огромны втраты в людях и маєтку.

Около 1000 людей нашло смерть в воді. Недалеко Гоме вода забрала железнодорожный насып на пространстві 800 метров. На всход от Дамашка вода заляла велику пустыню. Обчисляют, же перешло 10 тысяч людей втратило дах над головом а перешло 50 тысяч нашло ся в нужді. Парунадцет сел ест цілковито знищеных. Наводненє обняло пространство 10 тысячей кильометров квадратных.

жит лѣчебный сосуд. Он уважаєсь тоже за патрона и опекуна всѣх страждущих.

IV. Четвертый Архангел называет ся „Уриил“ що означает „свѣтло“ або „огонь Божій“. Его представляют с мечем, в одной рудѣ, зверненным против своих грудей а в лѣвой рудѣ с пламенем зверненным в долину. Архангел той ест опекуном людей, котры учат ся и посвятили ся науцѣ.

И так жерело многих открытїи (изобрѣтенїи) в науцѣ, якіи нераз так несподѣвано, як кажут саміи изобрѣтатели, приходят, якобы из якогось обявленія до их головы, сут дѣлом просвѣщенія их ума, через того св. Архангела.

Но для пустой цѣкавости, чтобы отгадати будущность, или зрозумѣти якіись непотребны для нас тайны природы, таким рѣчам св. Архангел не служит.

Один благочестивый но надмѣрно цѣкавый муж, именем Бздра, хотѣл через св. Уриила, конечно дознатись тайну, в якіи то способ Г. Бог управляет свѣтом, но св. Архангел отказал ся дати ему отвѣт — а поставил ему три задачи.

—ооо—

тей. Длятого изображают св. Михаила на иконах в воинственном выдѣ, с мечем в рудѣ, а под ногами его лежит дракон, дух злобы; в другой рудѣ держит копіе, которе закончене ест крестом, на знак що борба с дьяволом идет во имя креста Христоваго.

Низше креста на копію малюют еще малу хоругов бѣлу, котра означает чистоту и непоколебимую вѣрность, Царю Славы, всѣх Ангелов, котрых св. Михаил ест найвысшим начальником или Архистратичом.

II. Друге мѣсце занимает Архан. Гавриил, що означает „силу Божию“ и дѣйстно Архангел той был всегда вѣстуном и слугою Божого Всемогущества.

И так в Старом Завѣтѣ, коли св. Пророку Даниилу имѣл Г. Бог открыти великіи будущїи событїя, Даниил почувл голос: „Гаврииле! скажи выдѣніе оному“.

А в Новом Завѣтѣ: вѣсть св. Захаріи о зачатіи св. Иоанна Предтечи, Благовѣщеніе Прев. Богородицы — все довершилось через Арх. Гавриила.

И Христа Спасителя в саду гетеиманском подкрѣплял Ангел „и яви ся Ему Ангел, по-

Што чути в світі и в краю

Наибруднійши люде на світі. Переведены баданя ствердили, же набруднійшим народом на землі єст населене Тибета (Азия). Блох и вошей єст там така маса, же формально пожерают людей. Скоря тых людей, пересыченя старым толщом, потом и брудом, выдає отражающий смрад.

Тыбетаньчыкы не мьют ся николи. Робят то може прото, бо край их єст направду студений. В літі температура подносит ся ледво 10—14 градусов. Крім того велику ролю отгрывають их религийны приказы и традиция.

Автобус звалил ся в пропасть. На одной с найвысше положеных горскых дорог в Ирані (Азия), переполненный пассажирами автобус упал в пропасть. С 37 пассажиров 21 забиле ся на смерть, а 16 єст тяжко раненых.

Пожар села гасили... вином. В селі Темлин в Румунии повстал пожар на обысто одного селянина. Понеже в селі том дає ся отчути брак воды, грозила опасность, же пожар росширит ся на цілу осаду.

Перестрашене населене привезло на місце пожару великы бочки вина в цілі заліяня огня. В той цілі сужито 4.000 литров доброго білого вина.

Проводыр французскых националистов брал взяткы. Во Франции закончил ся голосный процес против полк. де ля Роке. Полковника, котрый єст проводыром французскых националистов, заскаржил его давний приятель и сторонник, а теперешный завзятый враг князь Поццо ди Борго о образу чести, пополнену через того, же полковник, котрый брал гроши с диспозыційного фонда министерства справ внутренних и был лем орудием в руках министров, почув ся задітым, коли князь сказал му того и образил князя.

Суд выдал вырок, засуджающий полковника на кару грошеву, што сильно скомпромитовало полковника и мусит ся он выцофати с политычной діяльности.

Вода заляла славу чудесами пещеру в Люрд. Сильны зливы в полудневой Франции спричинили вылив рік и вода заляла великы пространства. Горскы потоки, пльвучи с Пиренеев розляли ся так сильно, же треба было населену утікати с хат и сел. Много домов завалило ся. В славной с чудес місцевости Люрд вода заляла не лем дорогу, але и пещеру.

Королевич грецкий женит ся. Грецкий королевич, наслідник престола кн. Павел женит ся с Фрідерыком княжном Гановера. Вінчане отбуде ся 9 січня 1938 р. в Атенах.

Нафта на Лемковщині. При копаню студні в селі Вафці коло Грибова (пов. новосандецкий) натрафилы на дост сильну жилу нафты. Фактом тым заинтересовали ся нафтырскы кругы и контрактуют там нафтовы терены.

Крім того в Волі Лужанской в пов. горлицком открыто залежи желізной руды, котрыма заняли ся фаховы спеціалысты.

В иншом селі Стара Весь в пов. новосандецком натрафилы в й50 метрах на роу и газ.

Дороговы делегаты по селах. Лига Дорогова постановила именовати своих делегатов во всіх гминах в Польці. На делегатов тых запрошено войтов, або секретарей, учителей и дороговых урядников.

Обовязком делегата єст в першой мірі причити фурманов шанувати дороговы приписы.

До того часу зголосило ся на делегатов 300 людей. Дальши зголошеня надходят.

Лига Дорогова переслала своим делегатам два обіжники с дороговыма приписами и брошуру под назвом: „Короткий перегляд справы дороговой”.

Величезный пожар фабрыкы фаянсов. В Пацыкові коло Станиславова спалила ся знана фабрыка фаянсов Левицкого. Пожар повстал с незнаной причины в головном будынку фабрыкы и росширил ся незвычайно скоро на инши забудованя фабрычны.

Жертвом пожару пали величезны количества товару, прыватны мешканя урядников и будынок администраційный фабрыкы разом с головным гмахом фабрычным. В часі пожару пару работников, заскоченых через огонь при роботі, чудом выратовала пожарна сторожа со Станиславова. Шкоды выносят перешло 250 тысяч.

Горят багнисты луки под Пинском. На пространстві пару кильометров недалеко Пинска на Полісію горят багнисты луки. Огонь знищил огромны запасы сіна, зложеного там в стогы на зиму.

Баран роздер пастуха. На полях под Велюньом мал місце несчастный случай. С пасучого ся кырделя овец выбіжал баран, котрый заатаковал 68-літного пастуха Андрея Ковальчика и поранил го так сильно в груди, же Ковальчик умер.

Самолет упал с 10-метрового моста. Недалеко Радзымина (воев. варшавске) тягаровый самолет натрафил на мості, находячом ся над желізнодорожним тором на фуру. Хотячи ю оминуты, шофер скрутил нагло, вїхал на поруча мосту и звалил ся на желізнодорожний тор с высоты 10-ох метров. В катастрофі згынули два урядники фирмы, а трое люда єст тяжко раненых.

Человек, котрый выратовал 200 тонучих. На французском побережю в бретонском місточку Груа помер Виктор Его, котрый переважну часть житя посвятил ратованю тонучих. В продолженю 31 літ уратовал он с волн океана аж 200 людей. Он зробил собі маленьку лодку и плавал коло берегов, спішачи на помоч, як кому грозила опасность. Коли скончил 65 літ, отдал он свою лодку сынови Петрови и благословячи его, поручил ему продолжати діяльність ратованя тонучих. Помер, числячи 73 літ. Был отличеный найвысшими ордерами французскыма. Назвиско его было знане в цілой Братани.

Помер отец 22 сынов, с котрых 13-ох згынуло на войні. В Відні помер фабричный работник Тома Гиттингер, знанный с того, же мал с одним женом аж 22-ох сынов и 1 дочку. Гиттингер робил в фабриці паперу и видно, тотя работа подобала ся ему, бо нагварил аж 21 своих сынов, штобы также там робили.

Робили отже разом с отцом сыны аж до світовой войны. Коли настала война, всі праві Гиттингеры пошли на фронт. И дивна річ: до 1916 р. нич ся жадному не стало, а в 1916 р. праві о том самом часі згынуло их аж 13-ох на ріжных фронтах, где воевала австрийска армия.

Тепер по смерти Томы Гиттингера остало с той величезной родины лем 7-ох сынов и 1-на дочка.

Пяны гусы. Веселый случай притрафил ся в Рыгі. Ктоси вышмарил на двор решетки осаду с фабрикованого в дома вина. Гусы нажерли ся того и упили ся. Алькоголь подїйствовал на них так сильно, же заснули як мертвы. Не збудили ся и втотчас, коли газдыня, мыслячи, же гусы поздыхали, оскубала их с піря. На другой день побудили ся птахи и затачали ся по дворі. Не могли однак жити без піря и треба их было дорізати.

От Руской Бурсы в Горлицах.

Правлене Руской Бурсы в Горлицах звертат ся до всіх людей с горячом просьбом **поспшити с пожертвованями для бурсы**, в котрой того року приміщено 37 учеников, большей частью селянскых сынов с сел горлицкого, сандецкого, ясельского, кроснянского и ліского повітов.

До сел горлицкого повіта на руки поодынокых людей выслано „листы пожертвовань” затверждены староством. Сбор мусит быти переведеный в протягу місяца листопада. **Всі жертвы (продукты и гроши) належит вписати на тых листах и при конци листопада прислати их разом с собраныма пожертвованями до до бурсы** (Горлицы, Сенкевича 24).

Просим сознательных людей заняти ся сбором и доставом продуктвов.

Правлене Бурсы.

Потребный от зараз хлопец до науки кравецтва, лем талантливый и мающий охоту до той работы. Може быти также розуміющий ся уж на шитю. Условия принятя — по договору.

АНТОНІЙ АНДРЕЙЧИН — УСТЕ РУСКЕ.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

за асекурує ся
в асекураційном Товаристві
ВИТА И КРАКОВСКЕ
во **ЛЬВОВІ**

Асекурацію принимают на цілой Лемковщині
представителі: гг. Осиф Ямовицкий — Крыница - Село
и Михаил Перелом — Сянок.